



KOMUNIKADO PA PRENSA

Fecha

21di febrüari 2017

Kolaboradó di maneho

Corinne Leysner

Email

corinne.leysner@gobiernu.cw

Domeinbeheer a duna inisio ofisial na konstrukshon di e área di rekreashon i deporte na Kas Grandi

Willemstad – Djaweps 16 di febrüari Minister Suzy Camelia – Römer i Domeinbeheer a duna inisio na trabounan di konstrukshon di e área di rekreashon i deporte na Kas Grandi. Tambe presente tabata habitantenan di e área, representantenan di Plataforma Bándariba i representantenan di Fundashon Kompleho Deportivo Casa Grande (KODEKAG).

Representantenan di MNO Vervat, Curaçaoose Wegenbouw Maatschappij, Aliansa Civil & Roadworkers BV i LB Constructie, ku ta bai traha riba e proyekto, a splika ku e proyekto tin gran balor tantu pa e komunidad di Kas Grandi komo pa nan komo kontratista mes. Pa nan e proyekto ta un oportunitat mas pa kontratistanan lokal uni i yuda ku desaroyo di Kòrsou.

Domeinbeheer ta desaroyadó prinsipal di e proyekto aki i den koperashon ku Lyongo Architecture a logra yega na un diseño adekuá pa e área di rekreashon. Despues ku a tene un anochi di informashon na luna di yüli aña pasá, unda Domeinbeheer a presentá e konseptu di e proyekto di desaroyo i risibí remarkenan konstruktivo serka habitantenan di e área, a yega porfin na komienso di e fase di konstrukshon. CCM Engeneering ta e kompania enkargá ku kordinashon di e proyekto.

Minister Suzy Camelia – Römer, Domeinbeheer huntu ku kontratistanan i algun habitante di e área, a duna inisio na e konstrukshon di forma ofisial ku un akto simbóliko i un selebrashon ameno. Komo akto simbóliko a desvelá e bòrchi di proyekto situá dilanti di e área di rekreashon i deporte, kual ta mustra imágen di e plan di desaroyo. Esaki ta un di e proyektonan mas ku ta forma parti di Domeinbeheer su trayekto di optimalisashon ‘Rumbo pa Ekselensia’.